

癸酉孟冬

內經方集釋

華陽屈鼎勳署

內經方集釋序

世醫稱內經爲無方之書，自仲景述伊尹湯液著傷寒論，是爲制方之祖，其說甚盛。然爲是說者，蓋遵皇甫謐之說而誤之也。豈其然哉？甲乙經之序曰：伊尹以亞聖之才，撰用神農本草，以爲湯液。又曰：仲景論廣伊尹湯液爲數十卷，用之多驗。今考仲景自叙傷寒論集，但云博采眾方，撰用素問九卷、八十一難、陰陽大論、胎臚藥錄，并平脉辨證，爲傷寒雜病論，不言湯液。又云：上古有神農、黃帝、岐伯、伯高、雷公、少俞、少師、仲文，中世有長桑、扁鵲，漢有公乘陽慶及倉公，下此以往，未之聞也。亦不

言伊尹漢書藝文志經方湯液經法三十二卷不著撰人撰湯液者豈必伊尹哉玄晏先生不知何所據而云然使世醫承沿謬誤謂經方斷自南陽不能究本探源憲章靈素研求古方制方宜之大法殊可慨也漢志經方十一家湯液一家外有五藏六腑痺十二病方三十卷五藏六府疝十六病方四十卷五藏六府痺十二病方四十卷風寒熱十六病方二十六卷泰始黃帝扁鵲俞拊方二十三卷五藏傷中十一病方三十一卷客病五藏狂癲病方十七卷金創瘕癰方三十卷婦人嬰兒方十九卷神農黃帝食禁七卷雖病源脈證往往見於

分段

內經惜諸方世無傳本無從加以論列。若史記扁鵲倉公傳所謂長桑君取其禁方盡與扁鵲公乘陽慶使意去其故方更悉以禁方予之。又曰盡以我禁方悉教公。又曰臣意所受師方。又曰菑川唐里公孫光好爲古傳方。又曰臣意欲受他精方。精方者禁方也亦卽經方也。古人入室傳方大抵皆齋堂歆血不肯輕洩於人卽有時筆之於書而汗簡編蒲不能傳之悠久代遠年湮書缺有間其埋沒於寒煙敗草中者更不知其幾千萬落矣。以故古方悉不傳卽傳亦不多傳一古方視同珍璧。例如仲景傳侯氏黑散崔氏八味丸華陀傳扁鵲玉壺

三

二

一

聚

集

(pou 剖 日)

聚

分

段

丹葛玄百補交精圓其於傳方人姓名氏族無不大書
特書垂諸方冊蓋方傳而後喜可知也豈仲景述湯液
而祖伊尹淵源所自曾無一字著之於錄耶必不然矣
世醫皆曰內經無方今其書具在其方具在特爲表出
並哀集諸家參以獨見雖僅寥寥一十二方亦云少矣
然果會而通之神而明之因應而化裁之不惟千萬
方胥於是出雖謂漢志之經方長桑陽慶之禁方皆此
十二方之支流餘裔焉可也少云乎哉扁鵲曰人之所
病病疾多而醫之所病病道少爲下一轉語曰古醫所
病病方多而世醫所病病方少方在精不在多傷寒論

极
详。
慕
极。

何不去與他何

方百一十三首中藏經方六十首內經方十二首惟其精也百十三不爲多六十十二不爲少矣由是言之則內經十二方昭昭然如日月經天江河行地亘萬古而不可磨滅者也彼遵皇甫謐仲景述湯液之說奉爲制方之祖而謂內經爲無方者皆不讀書之過也可以休矣他如方制方宜諸篇其於方之大小奇偶藥之君臣佐使病之調適禁忌言之綦詳後之方劑學者如徐之才王好古輩烏能出乎規矩準繩之外哉世醫言處方者盡於內經方一致思乎癸酉陽月張驥

成都上北打金街
義生堂版權所有

內經方集釋標目

卷一

湯液醪醴

生鐵洛飲

左角髮酒

澤瀉飲

雞矢醴

治口甘方

烏鰂骨丸

豕膏

內經方集卷一
半夏湯

菱翹飲

馬膏膏法

棉布熨法

小金丹

卷下

方制

方宜

方禁

內經方集卷一

內經方集釋卷上

雙流張 驥集釋

湯液醪醴

素問湯液醪醴論黃帝問曰爲五穀湯液及醪醴奈何
王冰曰液謂清液醪醴謂酒之屬也吳崐曰以五穀
冠於湯液醪醴之上者以五穀爲湯液醪醴也奈何
問其造爲之法也張志聰曰五穀黍稷稻麥菽五行
之穀以養五藏者也醪醴甘旨之酒熟穀之液也故
帝以爲問

岐伯對曰必以稻米炊之稻薪稻米者完稻薪者堅

茂

圻

王冰曰堅謂資其堅勁完謂取其完全完全則酒清冷堅勁則氣迅疾而效速也張志聰曰問以五穀而但答以中央之稻者以中穀之液可以灌養四藏也驥案說文禾爲嘉穀二月生八月熟得時之中又謂禾木也木王而生金王而死今南方種稻則以穀雨浸種卽在水中迨三伏酷暑天氣愈熱則禾愈茂引水愈多每株每日約消水一升一交立秋則放去其水暴令土燥作圻至處暑節復淋以水使之浸潤始漸漸從秀而實是其備本土之生成水火之烹鍊以就於金而成化育四時備五氣全故能至完與其至

堅也。蘇恭謂稻爲穠稻之通名。三月種爲秔稻。四月種爲秠稻。秠卽今俗呼爲酒米。又曰糯米可以釀酒。秔米卽粳米。俗曰飯米。又北粳涼。南粳溫。赤粳熱。白粳涼。晚白粳寒。新粳熱。陳粳涼。種類難以枚舉。大抵作湯液須粳稻。作醪醴須秠稻。古文簡切。不暇區分。故統名曰稻。

帝曰何以然。

王冰曰言何以能完堅邪。

岐伯曰此得天地之和。高下之宜。故能至完。伐取得時。故能至堅也。

王冰曰夫稻者生於陰水之精首戴天陽之氣二者和合然乃化成故云得天地之和而能至完秋氣勁切霜露凝結稻以冬採故云伐取得時而能至堅張志聰曰夫天地有四時之陰陽五方之異域稻得春生夏長秋收冬藏之氣具天地陰陽之和者也爲中央之土穀得五方高下之宜故能至完以養五臟天地之政令春生秋殺稻薪至秋而刈故伐取得時金曰堅成故能至堅也炊以稻薪者取丙辛化水之義以化生五臟之津

帝曰上古聖人作湯液醪醴爲而不用何也岐伯曰自古

通風

分段

聖人之作湯液醪醴者以爲備耳。

王冰曰言聖人愍念生靈先防萌漸陳其法製以備不虞耳。驥案湯液之法倉公一變而爲液湯火齊以治熱氣則能清再變而爲火齊米汁以治迴風則能溫三變而爲火齊粥以治痺則能下氣別錄所謂止煩止泄益氣者信不誣也仲景入粳米者凡七方其入寒劑者爲竹葉石膏湯白虎湯白虎加人參湯止煩益氣也其入溫劑者爲桃花湯附子粳米湯止泄止煩也其入補劑者爲麥門冬湯大建中湯益氣兼止煩也桂枝湯服後啜稀粥以生津發汗理中湯服

後啜粥以溫中去寒是又仲景之善變也。醪酒卽醪
醴。粳米作湯液。秬米作醪醴已如上述。惟酒有多名。
入藥只用米酒。其他不用。飲餽標題酒一宿曰醴。說
文同玉篇醴甜酒也。釋名禮也。釀之一宿而成醴有
酒味而已。詩且以酌醴。傳周禮天官酒正注卽今恬
酒。漢書楚元王傳爲穆生設醴。師古曰甘酒也。少鞠
多米釀一宿而熟醪。說文汁滓酒也。廣韻濁酒也。醴
清醪濁要皆米釀而成。古人入藥用酒惟此二種。史
記倉公傳用藥酒治風蹶。葭藹酒治不乳證。卽別錄
主行藥勢之功效。仲景炙甘草湯用酒七升。水八升。

當歸四逆加吳萸生薑湯用酒水各六升，芍歸膠艾湯酒三升，水五升，是補劑用之以通藥性之遲滯，散劑用之以下伏寒之凝結，爲用之普與粳同，但粳米作湯液不及醪醴之溫熱，秫米作醪醴其性溫熱，行藥力甚速，不似湯液之甘平，用時宜細酌爾。

夫上古作湯液，故爲而弗服也。

王冰曰：聖人不治已病治未病，故但爲備用而不服也。吳崐曰：上古之世，道德渾全，雖作湯液，乃爲備耳，未嘗受病，故弗服也。張志聰曰：上古之人多能完其天真，雖有賊邪，勿之能害，故雖爲而勿服也。

中古之世，道德稍衰，邪氣時至，服之萬全。

王冰曰：雖道德稍衰，邪氣時至，以心猶近道，故服用萬全也。

素問移精變氣論：中古之治病，至而治之，湯液十日，以去八風五痺之病，十日不已，治以草蘇草薺之枝，本末爲助，標本已得，邪氣乃服。

王冰曰：草蘇，謂藥煎也；草薺，謂草根也；枝，謂莖也。言以諸藥根苗合成共煎，俾相佐助，而以服之。凡藥有用根者，有用莖者，有用枝者，有用華實者，有用根莖枝華實者，湯液不去，則盡用之，故云本末爲助也。標